

ustanova i neposredni upravni nadzor i kontrolu namjenskog trošenja budžetskih sredstava namijenjenih za ostvarivanje prava utvrđenim zakonima i podzakonskim aktima, kao i poslove revizije, vrši Kantonalno ministarstvo."

Član 27.

U članu 173. u stavu 1. brojevi: "1.000,00" i "2.000,00" zamjenjuju se brojevima: "2.000,00" i "15.000,00", a u istom stavu tačka 3), briše se.

U stavu 2. iza riječi: "ustanovi" dodaju se riječi: "i odgovorna osoba u općinskoj službi za upravu", a brojevi: "500,00" i "1.000,00" zamjenjuju se brojevima: "1.000,00" i "3.000,00".

Član 28.

Član 174., briše se.

Član 29.

U članu 175. brojevi: "500,00" i "1.000,00" zamjenjuju se brojevima: "1.200,00" i "4.000,00".

Prelazne i završne odredbe

Član 30.

Centar će šest mjeseci nakon stupanja na snagu ovog zakona formirati posebnu organizacionu jedinicu iz člana 47. ovog zakona.

Centar je obavezan da najduže do 23.03.2019. godine provede postupke koji se odnose na pravni institut hraniteljstva propisan Zakonom o hraniteljstvu.

Član 31.

Propise iz čl. 48., 111., 113. i 168. ovog zakona donijet će ministar u roku od četiri mjeseca od dana stupanja na snagu ovog zakona, a propis iz člana 166. donijet će Vlada Kantona u roku od šest mjeseci od dana stupanja na snagu ovog zakona.

Član 32.

Postupci koji su pokrenuti prije stupanja na snagu ovih izmjena i dopuna, a nisu okončani, okončaću se po odredbama ovog Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom.

Član 33.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o socijalnoj zaštiti, zaštiti civilnih žrtava rata i zaštite porodice sa djecom.

Član 34.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-26144/18
26. juna 2018. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 21. Zakona o pravobranilaštvu ("Službene novine Kantona Sarajevo", broj 33/08 - Novi prečišćeni tekst i br. 7/12 i 44/16), Skupština Kantona Sarajevo, na sjednici održanoj dana 26.06.2018. godine, donijela je

ODLUKU

**O RAZRJEŠENJU PRAVOBRANIOCA
PRAVOBRANIŠTVA KANTONA SARAJEVO**

I

Kemal Karić, razrješava se dužnosti pravobranioca Pravobranilaštva Kantona Sarajevo, radi isteka mandata.

II

Karić Kemal uvrštenje službe prestaje 12.06.2018. godine.

III

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-26147/18
26. juna 2018. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 21. Zakona o pravobranilaštvu ("Službene novine Kantona Sarajevo" - broj 33/08 - Novi prečišćeni tekst i broj 7/12 i 44/16), Skupština Kantona Sarajevo, na sjednici održanoj dana 26.06.2018. godine, donijela je

ODLUKU

**O IMENOVANJU PRAVOBRANIOCA
PRAVOBRANIŠTVA KANTONA SARAJEVO**

I

KEMAL KARIĆ, diplomirani pravnik imenuje se za pravobranioca Pravobranilaštva Kantona Sarajevo.

II

Imenovani se imenuje za pravobranioca Pravobranilaštva Kantona Sarajevo na period od četiri godine, počev od 13.06.2018. godine.

III

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 13.06.2018. godine.

Broj 01-05-26148/18
26. juna 2018. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 12. tačka c) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94), Skupština Kantona Sarajevo, na sjednici održanoj dana 26.06.2018. godine, donijela je

ODLUKU

**O OSNIVANJU JAVNE USTANOVE "CENTAR ZA
NAPREDNE TEHNOLOGIJE U SARAJEVU"**

Član 1.

(Predmet Odluke)

Ovom odlukom Kanton Sarajevo (u daljem tekstu: Kanton) osniva Javnu ustanovu "Centar za napredne tehnologije u Sarajevu" (u daljem tekstu: Javna ustanova).

Član 2.

(Osnivačka prava i organizacija)

- (1) Kanton vrši osnivačka prava nad Javnom ustanovom.
- (2) Prava i dužnosti osnivača obavljaće Ministarstvo za obrazovanje, nauku i mlade Kantona Sarajevo (u daljem tekstu: Ministarstvo) i Vlada Kantona Sarajevo (u daljem tekstu: Vlada), svako u okviru svojih nadležnosti.
- (3) Statutom i Pravilnikom o unutrašnjoj organizaciji i sistematizaciji radnih mjesta Javne ustanove bliže će se urediti organizacija Javne ustanove te sistematizovani poslovi i zadaci u Javnoj ustanovi.

Član 3.

(Naziv, sjedište i pečat)

- (1) Naziv Javne ustanove je Javna ustanova "Centar za napredne tehnologije u Sarajevu".
- (2) Skraćeni naziv Javne ustanove je: "Centar za napredne tehnologije".
- (3) Sjedište Javne ustanove je u Sarajevu, ulica Vilsonovo šetalište broj 9.
- (4) Naziv i sjedište Javne ustanove iz st. (1) i (2) ovog člana mogu se promijeniti.

- (5) Odluku o promjeni naziva i sjedišta Javne ustanove donosi Skupština Kantona Sarajevo (u daljnjem tekstu: Skupština) na prijedlog Vlade.
- (6) Javna ustanova ima štambilj četvrtastog oblika, te mali i veliki pečat okruglog oblika, što se preciznije uređuje Statutom Javne ustanove u skladu sa ovom odlukom i Zakonom o pečatu Kantona Sarajevo ("Službene novine Kantona Sarajevo", broj 3/09 - Prečišćeni tekst i 36/15).

Član 4.

(Svojstvo pravnog lica)

Javna ustanova ima svojstvo pravnog lica.

Član 5.

(Korištenje prostora)

Javna ustanova će za obavljanje registrovane djelatnosti i svoj rad koristiti dio zgrade Mašinskog fakulteta Univerziteta u Sarajevu - suteran laboratorijskog kompleksa, a po osnovu prethodno zaključenog ugovora o zakupu prostora kojim će se preciznije međusobna prava i obaveze između Javne ustanove i Mašinskog fakulteta Univerziteta u Sarajevu.

Član 6.

(Oprema i sredstva za rad)

Oprema, imovina i sredstva za rad su imovina Kantona.

Član 7.

(Djelatnost)

- (1) Djelatnost Javne ustanove obuhvata:
- 58.1 Izdavanje knjiga, periodičnih publikacija i ostale izdavačke djelatnosti
 - 58.2 Izdavanje softvera
 - 61.1 Djelatnosti žičane telekomunikacije
 - 61.2 Djelatnosti bežične telekomunikacije
 - 61.3 Djelatnosti satelitske telekomunikacije
 - 62.0 Računarsko programiranje, savjetovanje i djelatnosti u vezi s njima
 - 72.1 Istraživanje i eksperimentalni razvoj u prirodnim, tehničkim i tehnološkim naukama
 - 74.1 Specijalizirane dizajnerske djelatnosti
 - 74.9 Ostale stručne, naučne i tehničke djelatnosti, d. n.
- (2) Javna ustanova vrši i pružanje usluga u vanjsko-trgovinskom prometu u oblasti registrovane djelatnosti.

Član 8.

(Proširenje ili promjena djelatnosti)

- (1) Javna ustanova može promijeniti odnosno proširiti djelatnost iz člana 7. ove odluke uz prethodnu saglasnost osnivača.
- (2) Odluku o proširenju ili promjeni djelatnosti donosi Skupština na prijedlog Vlade.

Član 9.

(Pravni i drugi poslovi)

Javna ustanova ima pravo da u pravnom prometu zaključuje ugovore i vrši druge poslove i radnje u okviru svoje pravne sposobnosti i registrovane djelatnosti.

Član 10.

(Sredstva za osnivanje i odgovornost u pravnom prometu)

- (1) Osnivački ulog Javne ustanove je 1.000,00 KM (slovima: jednahiljadakonvertibilnih maraka).
- (2) Sredstva za osnivanje Javne ustanove obezbjeđuje Kanton.
- (3) Za svoje obaveze javna ustanova odgovara svom svojom imovinom - potpuna odgovornost.
- (4) Osnivač supsidijarno odgovara za obaveze Javne ustanove.

Član 11.

(Sredstva za rad)

- (1) Sredstva za rad Javne ustanove obezbjeđuju se iz:
- a) Budžeta Kantona Sarajevo,
 - b) vlastitih prihoda Javne ustanove,
 - c) naknada za pružanje usluga u obavljanju registrovane djelatnosti,

- d) legata, poklona, donacija, zavještanja,
- e) drugih izvora u skladu sa zakonom.

- (2) Javna ustanova raspolaze sredstvima u skladu sa Zakonom o izvršavanju Budžeta Kantona Sarajevo i drugim zakonskim i podzakonskim propisima i opštim aktima.

Član 12.

(Saglasnost na opšte akte)

Vlada daje saglasnost na Statut i Pravilnik o unutrašnjoj organizaciji i sistematizaciji radnih mjesta, planove rada i razvoja i godišnji program rada Javne ustanove.

Član 13.

(Međusobna prava i obaveze)

Pitanja prava i obaveza između Kantona i Javne ustanove koja nisu regulisana ovom odlukom utvrdit će se posebnim ugovorom, a što se preciznije uređuje Statutom Javne ustanove.

Član 14.

(Organ upravljanja)

- (1) Organ upravljanja u Javnoj ustanovi je Upravni odbor.
- (2) Upravni odbor ima tri člana.
- (3) Jedan član Upravnog odbora imenuje se iz reda stručnih radnika zaposlenih u Javnoj ustanovi.
- (4) Predsjednika i članove Upravnog odbora imenuje i razrješava Vlada.
- (5) Predsjednik i članovi Upravnog odbora imenuju se na period od četiri godine i mogu biti ponovo imenovani.
- (6) U slučaju kada Upravni odbor nije imenovan, Vlada imenuje vršioce dužnosti predsjednika i članova Upravnog odbora u skladu sa zakonom.

Član 15.

(Organ rukovođenja)

- (1) Organ rukovođenja u Javnoj ustanovi je direktor.
- (2) Direktora Javne ustanove imenuje Upravni odbor uz prethodnu saglasnost Vlade, a na osnovu konkursa koji objavljuje Ministarstvo.
- (3) Direktor Javne ustanove ne može biti član Upravnog ili Nadzornog odbora Javne ustanove.
- (4) Direktor Javne ustanove ovlašten je da predstavlja i zastupa javnu ustanovu u okviru registrovane djelatnosti.
- (5) U periodu do imenovanja direktora, poslove predstavljanja i zastupanja Javne ustanove će obavljati vršilac dužnosti direktora kojeg imenuje Upravni odbor.
- (6) Vršilac dužnosti direktora može rukovoditi Javnom ustanovom do imenovanja direktora, a najduže šest mjeseci od dana njegovog imenovanja.

Član 16.

(Organ kontrole poslovanja)

- (1) Organ kontrole poslovanja u Javnoj ustanovi je Nadzorni odbor.
- (2) Nadzorni odbor ima tri člana.
- (3) Predsjednika i članove Nadzornog odbora imenuje i razrješava Vlada.
- (4) Jedan član Nadzornog odbora imenuje se iz reda stručnih radnika zaposlenih u Javnoj ustanovi.
- (5) U slučaju kada Nadzorni odbor nije imenovan, Vlada imenuje vršioce dužnosti predsjednika i članova Nadzornog odbora u skladu sa zakonom.

Član 17.

(Postupak i kriteriji za imenovanje)

Postupak, kriteriji za izbor i imenovanje Upravnog odbora, Nadzornog odbora i direktora Javne ustanove te druga relevantna pitanja će se preciznije urediti posebnom odlukom Vlade.

Član 18.

(Slučajevi prijevremenog razrješavanja)

Vlada će razriješiti, direktora, predsjednika i člana Upravnog odbora, predsjednika i člana Nadzornog odbora i prije isteka mandata na koji su imenovani u sljedećim slučajevima:

- a) ako utvrdi da je odgovoran za neuspješan ili nezakonit rad Javne ustanove,

- b) ako je Javna ustanova poslovala sa gubitkom dvije godine uzastopno,
- c) na lični zahtjev,
- d) ako Skupština ne usvoji godišnji Izvještaj o radu sa finansijskim poslovanjem Javne ustanove,
- e) u drugim slučajevima utvrđenim zakonom i Statutom Javne ustanove.

Član 19.

(Ostvarivanje radnih prava)

Radnici Javne ustanove ostvaruju prava u skladu sa zakonom, statutom i drugim općim aktima Javne ustanove.

Član 20.

(Finansijsko poslovanje)

Finansijsko poslovanje Javne ustanove vrši se u skladu sa propisima koji regulišu trezorsko poslovanje.

Član 21.

(Izvještaj o radu sa finansijskim poslovanjem)

- (1) Upravni, odnosno Nadzorni odbor obavezan je da Ministarstvu redovno dostavlja zapisnike sa održanih sjednica Upravnog, odnosno Nadzornog odbora.
- (2) Godišnji izvještaj o radu sa finansijskim poslovanjem usvaja Skupština.
- (3) Upravni odbor Javne ustanove je obavezan da podnese izvještaj o radu sa finansijskim poslovanjem za prethodnu godinu najkasnije do 15. marta tekuće godine.
- (4) Izvještaj iz stava (2) ovog člana obavezno sadrži informacije o uspješnosti rada i finansijskog poslovanja, kao i druge informacije i podatke. Elementi izvještaja iz ovog člana i procedura dostavljanja istog na usvajanje Skupštini se preciznije utvrđuje posebnim aktom Ministarstva.

Član 22.

(Nadzor nad zakonitošću rada)

Nadzor nad zakonitošću rada Javne ustanove vrši Ministarstvo.

Član 23.

(Upis u sudski registar)

- (1) Na osnovu ove odluke, a na zahtjev ovlaštenog lica za zastupanje izvršiće se upis Javne ustanove u sudski registar.
- (2) Ovlašćuje se Predsjedavajuća Skupštine da u ime Osnivača potpiše ovu odluku i sve isprave potrebne za osnivanje Javne ustanove, kao i sve isprave za koje je u skladu sa važećim zakonskim propisima neophodna notarska obrada.
- (3) Javna ustanova "Centar za napredne tehnologije u Sarajevu" je obavezna u roku od 30 dana od dana stupanja na snagu ove odluke podnijeti prijavu radi upisa Javne ustanove u sudski registar koji se vodi kod Općinskog suda u Sarajevu.

Član 24.

(Početak rada)

Javna ustanova stiče svojstvo pravnog lica i počinje sa radom danom upisa u sudski registar.

Član 25.

(Vršioći dužnosti)

- (1) U roku od 30 dana od dana donošenja ove odluke, Vlada će imenovati vršiocje dužnosti predsjednika i članova Upravnog i Nadzornog odbora Javne ustanove.
- (2) Upravni odbor iz stava (1) ovog člana će u roku od osam dana imenovati vršioca dužnosti direktora Javne ustanove na period do imenovanja direktora, a najduže šest mjeseci od dana imenovanja.

Član 26.

(Rokovi za donošenje akata)

Upravni odbor Javne ustanove donijet će Statut, Pravilnik o unutrašnjoj organizaciji i sistematizaciji radnih mjesta, kao i druga akta u roku od 60 dana od dana njegovog imenovanja.

Član 27.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-05-26159/18
26. juna 2018. godine
Sarajevo

Predsjedateljica
Skupštine Kantona Sarajevo
Prof. Ana Babić, s. r.

Na osnovu člana 12. tačka c) i člana 18. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 3. i 6. Zakona o ustanovama ("Službeni list RBiH", br. 6/92, 8/93 i 13/94), čl. 13. i 14. Zakona o muzejskoj djelatnosti ("Službene novine Kantona Sarajevo", broj 13/17) i Pravilnika o uslovima za osnivanje i početak rada muzeja, muzejskih zbirki, muzejskih izložbi i galerija ("Službene novine Kantona Sarajevo", broj 24/00), Skupština Kantona Sarajevo, na sjednici održanoj dana 26.06.2018. godine, donijela je

ODLUKU

O OSNIVANJU JAVNE USTANOVE "COLLEGIUM
ARTISTICUM" SARAJEVO

Član 1.

(Predmet Odluke)

Ovom odlukom Kanton Sarajevo (u daljem tekstu: Kanton) osniva Javnu ustanovu "Collegium artisticum", Sarajevo za obavljanje galerijske djelatnosti (u daljem tekstu: Javna ustanova).

Član 2.

(Osnivačka prava i Organizacija Javne ustanove)

- (1) Kanton vrši osnivačka prava nad Javnom ustanovom.
- (2) Prava i dužnosti osnivača obavljaće Ministarstvo kulture i sporta Kantona Sarajevo (u daljem tekstu: Ministarstvo) i Vlada Kantona Sarajevo (u daljem tekstu: Vlada), svako u okviru svojih nadležnosti.
- (3) Pravilima i Pravilnikom o unutrašnjoj organizaciji i sistematizaciji Javne ustanove bliže će se urediti organizacija Javne ustanove, te sistematizovani poslovi i zadaci u Javnoj ustanovi.

Član 3.

(Naziv, sjedište i pečat Javne ustanove)

- (1) Naziv Javne ustanove je "Collegium artisticum", Sarajevo.
- (2) Skraćeni naziv Javne ustanove je: "Collegium artisticum".
- (3) Sjedište Javne ustanove je u Sarajevu, ulica Terezije bb.
- (4) Naziv i sjedište Javne ustanove iz st. (1) i (2) ovog člana može se promijeniti.
- (5) Odluku o promjeni naziva i sjedišta Javne ustanove donosi Skupština Kantona Sarajevo (u daljnjem tekstu: Skupština) na prijedlog Vlade.
- (6) Javna ustanova ima štambilj četvrtastog oblika, te mali i veliki pečat okruglog oblika, čija sadržina se uređuje Pravilima Javne ustanove u skladu sa ovom odlukom i Zakonom o pečatu Kantona Sarajevo ("Službene novine Kantona Sarajevo", broj 3/09 - Prečišćeni tekst i 36/15).

Član 4.

(Svojstvo pravnog lica)

Javna ustanova ima svojstvo pravnog lica.

Član 5.

(Korištenje prostora)

Javnoj ustanovi povjerava se na korištenje Galerijski prostor "Collegium artisticum", u ulici Terezije bb, Sarajevo.